

(56) *Commune unius Martyris. III. Noct.*
tua : * cantábimus et psallémus
virtútes tuas.

Añã. Posuísti, Dómine, super
caput ejus corónam de lápide
pretiósó.

ŷ. Magna est glória ejus in sa-
lutári tuo. *R.* Glóriam et magnum
decórem impónes super eum.

Pater noster.

R. vij. Coróna áurea super ca-
put ejus, * Exprésa signo san-
ctitátis, glória honóris, et opus
fortitúdinis. *ŷ.* Quóniam præve-
nísti eum in benedictiónibus dul-
cédinis, posuísti in cápite ejus
corónam de lápide pretiósó. Ex-
présa.

R. viij. Hic est vere Martyr,
qui pro Christi nómine sángu-
inem suum fudit : * Qui minas
júdicum non tímuit, nec terré-
næ dignitátis glóriam quæsívit,
sed ad coeléstia regna pervénit.
ŷ. Justum dedúxit Dóminus per
vias rectas, et osténdit illi re-
gnum Dei. Qui. *Glória Patri. Qui.*

Commune unius Martyris. Laud. (57)

AD LAUDES ET PER HORAS.

Añã. Qui me conféssus fúerit *
coram homínibus, confitébor et
ego eum coram Patre meo. *Ps.* Dó-
minus regnávít. *cum reliquis. 66.*

Añã. Qui séquitur me, * non
ámbulat in ténebris, sed habébit
lumen vitæ, dicit Dóminus.

Añã. Qui mihi ministrat, * me
sequátur ; et ubi ego sum, illic
sit et mínister meus.

Añã. Si quis mihi ministráve-
rit, * honorificábit eum Pater
meus, qui est in cœlis, dicit Dó-
minus.

Añã. Volo, Pater, * ut ubi ego
sum, illic sit et mínister meus.

Capitulum. Jac. 1. b.

BEATUS vir, qui suffert tentatió-
nem, quóniam cum probátus
fúerit, accípiet corónam vitæ,
quam repromísit Deus diligénti-
bus se.

Hymnus.

INVICTE Martyr, únicum
Patris secútus Filium,

(58) *Commune unius Martyris. Laud.*

Victis triúmphas hóstibus,
Victor fruens cœlestibus.

Tui precátus múnere
Nostrum reátum dílué,
Arcens mali contágium,
Vitæ repéllens tædium.

Solúta sunt jam víncula
Tui sacráti córporis ;

Nos solve vinclis sæculi,
Dono supérni Núminis.

Deo Patri sit glória,
Ejúsque soli Fílio,
Cum Spíritu Paráclito.
Nunc, et per omne sæculum.

Amen.

ŷ. Justus ut palma florébit. **Ŕ.**
Sicut cedrus Líbani multiplicá-
bitur.

Ad Benedictus, Añã. Qui odit *
ánimam suam in hoc mundo, in
vitam ætérnam custódit eam.

Ad Tertiam.

Capitulum. Beátus vir. ut su-
pra. (57)

Ŕ. br. Glória et honóre * Coro-
násti eum, Dómine. Glória et. **ŷ.**

Commune unius Martyris. Laud. (59)

Et constituísti eum super ópera
mánuum tuárum. Coronásti. **G**lória
Patri. Glória et.

ŷ. Posuísti, Dómine, super ca-
put ejus. **Ŕ.** Coronam de lápide
pretióso.

Ad Sextam.

Capitulum. Eccli. 15.

CIBAVIT illum pane vitæ et in-
telléctus, et aqua sapiéntiæ
salutáris potávit illum Dóminus
Deus noster.

Ŕ. br. Posuísti, Dómine, *
Super caput ejus. Posuísti. **ŷ.** Coro-
nam de lápide pretióso. Super.
Glória Patri. Posuísti.

ŷ. Magna est glória ejus in sa-
lutári tuo. **Ŕ.** Glóriam et ma-
gnum decórem impónes super
eum.

Ad Nonam.

Capitulum. Eccli. 39.

JUSTUS cor suum trádedit ad vi-
gilándum dilúculo ad Dómi-
num, qui fecit illum, et in con-
spéctu Altíssimi deprecábitur.

(60) *Commune plur. Martyrum. I. Vesp.*

B. br. Magna est glória ejus *
In salutári tuo. Magna. *ŷ.* Gló-
riam et magnum decórem impó-
nes super eum. In. Glória Patri.
Magna.

ŷ. Justus ut palma florébit. *B.*
Sicut cedrus Líbani multiplicá-
bitur.

IN II. VESPERIS.

*Añæ et Capitulum de Laudi-
bus. Psalmi ut in j. Vesperis
Apost. (1) et loco ultimi, Psalm.
Crédidi, ut in ij. Vesperis A-
post. (34)*

*Hymnus. Deus tuórum, ut in
j. Vesperis. (40)*

ŷ. Justus ut palma florébit. *B.*
Sicut cedrus Líbani multiplicá-
bitur.

*Ad Magnificat, Aña. Qui vult
venire post me, * abneget semet-
ípsu, et tollat crucem suam,
et sequátur me.*

COMMUNE PLURIM. MARTYRUM.

IN I. VESPERIS.

Aña. Omnes Sancti. cum reliquis

*Commune plur. Martyrum. I. Vesp. (61)
de Laudibus. (83) Ps. Dixit Dómi-
nus. cum reliquis ut in j. Vesper-
is Apost. (1)*

Capitulum. Sap. 3.

JUSTORUM ánimæ in manu Dei
sunt, et non tanget illos tor-
méntum mortis. Visi sunt ócu-
lis insipiéntium mori : illi au-
tem sunt in pace.

Hymnus.

SANCTORUM méritis ínclýta gáu-
dia

Pangámus, sócii, géstaque fór-
tia :

Gliscens fert ánimus prómere
cántibus

Victórum genus óptimum.

Hi sunt, quos fáture mundus ab-
hórruit :

Hunc fructu vácuum, flóribus
áridum

Contempsére tui nóminis ásse-
clæ,

Jesu, rex bone Coelítum.

Hi pro te fúrias, atque minas
truces

(62) *Commune plur. Martyrum. I. Noct.*

Calcárunť hómínũm, sævaque
vërbera :

His cessit lácerans fórtiter ún-
gula

Nec carpsit penetrália.

Cædúntur gládiis more bidén-
tium :

Non murmur résonat, non quæ-
rimónia :

Sed corde impávido mens bene
cónscia

Consérvat patiéntiam.

Quæ vox, quæ póterit lingua re-
tèxere

Quæ tu Martyribus múnera præ-
paras ?

Rubri nam flúido sángine fúl-
gidis

Cingunt témpora láureis.

Te, summa o Déitas únaque, pó-
scimus,

Ut culpas ábigas, nóxia súbtrahas,
Des pacem fámulis, ut tibi gló-
riam

Annórum in sériem canant.

Amen.

Commune plur. Martyrum. I. Noct. (63)

V. Lætámini in Dómino, et ex-
sultáte, justi. **R.** Et gloriámini,
omnes recti corde.

Ad Magnificat, Añã. Istórum
est enim regnum cœlórum, * qui
contempsérunt vitam mundi, et
pervenérunt ad præmia regni, et
laverunt stolas suas in sángine
Agni.

AD MATUTINUM.

Invitorium. Regem Márty-
rum Dóminum, * Veníte adoré-
mus. **Ps.** Veníte exsultémus. 31.

Hymnus.

CHRISTO profúsum ságuinem,

Et Mártyrum victórias,
Dignámque cœlo láuream
Lætis sequámur vóciſus.

Terróre victo sæculi,
Pœnisque spretis cõrporis,
Mortis sacræ compéndio
Vitam beátam póssident.

Tradúntur igni Mártyres
Et bestiárum déntibus :
Armáta sævit úngulis
Tortóris insáni manus.

(64) *Commune plur. Martyrum. I. Noct.*

Nudata pendent viscera
Sanguis sacratus funditur :
Sed permanent immobiles
Vitæ perennis gratia.

Te nunc, Redemptor, quæsumus,
Ut Martyrum consortio
Jungas precantes servulos
In sempiterna sæcula.

Amen.

In primo Nocturno.

Añã. Secus decursus aquarum *
plantavit vineam justorum, et in
lege Domini fuit voluntas eorum.

Psalmus 1.

BEATUS vir, qui non abiit in
consilio impiorum, et in via
peccatorum non stetit, * et in cathedra
pestilentiæ non sedit :

Sed in lege Domini voluntas
ejus, * et in lege ejus meditabitur
die ac nocte.

Et erit tamquam lignum, quod
plantatum est secus decursus
aquarum, * quod fructum suum
dabit in tempore suo :

Commune plur. Martyrum. I. Noct. (65)

Et folium ejus non defluet : *
et omnia quæcumque faciet, prosperabuntur.

Non sic impii, non sic : * sed
tamquam pulvis, quem projicit
ventus a facie terræ.

Ideo non resurgent impii in judicio : *
neque peccatores in concilio justorum.

Quoniam novit Dominus viam
justorum : * et iter impiorum
peribit.

Añã. Secus decursus aquarum
plantavit vineam justorum, et in
lege Domini fuit voluntas eorum.

Añã. Tamquam aurum in fornace *
probavit electos Dominus :
et quasi holocausta accepit eos
in æternum.

Psalmus 2.

QUARE fremuerunt gentes, * et
populi meditati sunt inania ?

Astiterunt reges terræ, et principes
convenérunt in unum, *

(66) *Commune plur. Martyrum. I. Noct.*

advérsus Dóminum, et advérsus
Christum ejus.

Dirumpámus víncula eórum :
* et projiciámus a nobis jugum
ipsórum.

Qui hábitat in cœlis irridébit
eos : * et Dóminus subsannábit
eos.

Tunc loquétur ad eos in ira
sua, * et in furóre suo conturbá-
bit eos.

Ego autem constitútus sum Rex
ab eo super Sion montem san-
ctum ejus, * prædicans præcé-
ptum ejus.

Dóminus dixit ad me : * Fílius
meus es tu, ego hódie genui te.

Póstula a me, et dabo tibi gen-
tes hæreditátem tuam, * et pos-
sessiónem tuam términos ter-
ræ.

Reges eos in virga férrea, * et
tamquam vas figuli confringes
eos.

Et nunc reges intelligite : *
erudímini qui judicátis terram.

Commune plur. Martyrum. I. Noct. (67)

Servíte Dómino in timóre : * et
exultáte ei cum tremóre.

Apprehéndite disciplínam, ne-
quándo irascátur Dóminus, * et
pereátis de via justa.

Cum exárserit in brevi ira ejus,
* beáti omnes, qui confidunt in
eo.

Añã. Tamquam aurum in for-
náce probávit eléctos Dóminus :
et quasi holocáusta accépit eos in
ætérum.

Añã. Si coram homínibus *
torménta passi sunt, spes ele-
ctórum est immortalis in æté-
rum.

Psalmus 3.

DOMINE, quid multiplicáti sunt
qui tríbulant me ? * multi in-
súrgunt advérsum me.

Multi dicunt ánimæ meæ, * Non
est salus ipsi in Deo ejus.

Tu autem Dómine, suscéptor
meus es, * glória mea, et exáltans
caput meum.

Voce mea ad Dóminum clamá-

(68) *Commune plur. Martyrum. I. Noct.*

vi : * et exaudivit me de monte sancto suo.

Ego dormivi, et soporatus sum, * et exsurrexi, quia Dominus suscepit me.

Non timebo millia populi circumdantis me : * exsurge, Domine, salvum me fac, Deus meus.

Quoniam tu percussisti omnes adversantes mihi sine causa : * dentes peccatorum contrivisti.

Domini est salus : * et super populum tuum benedictio tua.

Añã. Si coram hominibus tormenta passi sunt, spes electorum est immortalis in æternum.

ŷ. Lætâmini in Domino, et exultate, justi. *R.* Et gloriâmini, omnes recti corde.

Pater noster.

R. j. Abstergat Deus omnem lacrymam ab oculis Sanctorum : et jam non erit amplius neque luctus, neque clamor, sed nec ullus dolor : * Quoniam priora transierunt. *ŷ.* Non esurient, ne-

Commune plur. Martyrum. II. Noct. (69)

que sitient amplius, neque cadet super illos sol, neque ullus æstus. Quoniam.

R. ij. Viri sancti gloriosum sanguinem fuderunt pro Domino, amaverunt Christum in vita sua, imitati sunt eum in morte sua : * Et ideo coronas triumphales meruerunt. *ŷ.* Unus spiritus, et una fides erat in eis. Et.

R. iij. Tradiderunt corpora sua propter Deum ad supplicia : * Et meruerunt habere coronas perpetuas. *ŷ.* Isti sunt qui venerunt ex magna tribulatione, et laverunt stolas suas in sanguine Agni. Et. Glória Patri. Et.

In secundo Nocturno.

Añã. Dabo Sanctis meis * locum nominatum in regno Patris mei, dicit Dominus.

Psalmus 14.

DOMINE, quis habitabit in tabernaculo tuo ? * aut quis requiescet in monte sancto tuo ?

(70) *Commune plur. Martyrum. II. Noct.*

Qui ingreditur sine mácula, *
et operatur justitiam :

Qui loquitur veritatem in corde suo, * qui non egit dolum in lingua sua :

Nec fecit próximo suo malum, * et opprobrium non accepit adversus próximos suos.

Ad nihilum deductus est in conspectu ejus malignus : * timentes autem Dóminum glorificat :

Qui jurat próximo suo, et non decipit : * qui pecuniam suam non dedit ad usuram, et múnera super innocentem non accepit.

Qui facit hæc, * non movébitur in ætérnum.

Añã. Dabo sanctis meis locum nominatum in regno Patris mei, dicit Dóminus.

Añã. Sanctis, qui in terra sunt ejus, * mirificavit omnes voluntates meas inter illos.

Psalmus 15.

CONSERVA me, Dómine, quóniam speravi in te : * Dixi Dómino :

Commune plur. Martyrum. II. Noct. (71)

Deus meus es tu, quóniam bonorum meorum non eges.

Sanctis, qui sunt in terra ejus, * mirificavit omnes voluntates meas in eis.

Multiplicatæ sunt infirmitates eorum : * póstea acceleraverunt.

Non congregabo conventicula eorum de sanguinibus : * nec memor ero nóminum eorum per lábia mea.

Dóminus pars hæreditatis meæ, et cálicis mei : * tu es qui restitues hæreditatem meam mihi.

Funes ceciderunt mihi in præcláris : * etenim hæreditas mea præclára est mihi.

Benedicam Dóminum, qui tribuit mihi intelléctum : * însuper et usque ad noctem increpuerunt me renes mei.

Providébam Dóminum in conspectu meo semper : * quóniam a dextris est mihi, ne commovear.

(72) *Commune plur. Martyrum. II. Noct.*

Propter hoc lætatum est cor meum, et exsultavit lingua mea : * insuper et caro mea requiescet in spe.

Quoniam non derelinques animam meam in inferno : * nec dabis sanctum tuum videre corruptionem.

Notas mihi fecisti vias vitæ, adimpleris me lætitia cum vultu tuo : * delectationes in dextera tua usque in finem.

Añã. Sanctis, qui in terra sunt ejus, mirificavit omnes voluntates meas inter illos.

Añã. Sancti, * qui sperant in Domino, habebunt fortitudinem, assument pennas ut aquilæ, volabunt, et non deficient.

Psalmus 23.

DOMINI est terra, et plenitudo ejus : * orbis terrarum, et universi, qui habitant in eo.

Quia ipse super maria fundavit eum : * et super flumina præparavit eum.

Commune plur. Martyrum. II. Noct. (73)

Quis ascendet in montem Domini : * aut quis stabit in loco sancto ejus.

Innocens manibus et mundo corde, * qui non accepit in vano animam suam, nec juravit in dolo proximo suo.

Hic accipiet benedictionem a Domino : * et misericordiam a Deo salutari suo.

Hæc est generatio querentium eum, * querentium faciem Dei Jacob.

Attollite portas, principes, vestras, et elevamini portæ æternales : * et introibit rex gloriæ.

Quis est iste rex gloriæ ? * Dominus fortis et potens, Dominus potens in prælio.

Attollite portas, principes, vestras, et elevamini portæ æternales : * et introibit rex gloriæ.

Quis est iste rex gloriæ ? * Dominus virtutum ipse est rex gloriæ.

Añã. Sancti, qui sperant in Do-

(74) *Commune plur. Martyrum. II. Noct.*

mino, habébunt fortitúdinem, assúment pennas ut áquilæ, volábunt, et non deficient.

ŷ. Exsúltent justi in conspéctu Dei. *R.* Et delecténtur in lætítia.

Pater noster.

R. iv. Sancti tui, Dómine, mirábile consecúti sunt iter, serviéntes præcéptis tuis, ut inveniéntur illæsi in aquis válidis : * Terra appáruit árida, et in mari Rubro via sine impediménto. *ŷ.* Quóniam percússit petram, et fluxérunt aquæ, et torréntes inundavérunt. Terra.

R. v. Vérbera carníficum non timuérunt Sancti Dei, moriéntes pro Christi nómine : * Ut hærédes fierent in domo Dómini. *ŷ.* Tradidérunt córpora sua propter Deum ad supplicia. Ut hærédes.

R. vj. Tamquam aurum in fornáce probávit eléctos Dóminus, et quasi holocáusti hóstiam accépit illos : et in témpore erit respéctus illórum : * Quóniam do-

Commune plur. Martyrum. III. Noct. (75)

num et pax est eléctis Dei. *ŷ.* Qui confidunt in illum, intélligent veritátem : et fidéles in dilectióne acquiescent illi. Quóniam. Glória Patri. Quóniam.

In tertio Nocturno.

Aña. Justi autem * in perpétuum vivent, et apud Dóminum est merces eórum.

Psalmus 32.

EXSULTATE justi, in Dómino : * Rectos decet collaudátio.

Confitémini Dómino in cíthara : * in psaltério decem chordárum psállite illi.

Cantáte ei cánticum novum : * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Dífligit misericórdiam et júdicium, * misericórdia Dómini plena est terra.

Verbo Dómini cœli firmáti sunt : * et spírítu oris ejus omnis virtus eórum.